

西安曲江文化產業投資集團支持

四部文庫

文懷沙主編

隋唐文明卷



(六十二)

陝西震旦漢唐研究院 編纂
陝西人民出版社

Z42
1
(4:62)

四部文明

文懷沙主編
隋唐文明卷

六十二
陝西震旦漢唐研究院 編纂
陝西人民出版社

隋唐文明

第六十二卷目錄

全隋唐文十二

欽定全唐文一千卷(十)(卷四四九至五〇四)

[清]董誥等纂

三

全隋唐文

十二



欽定全唐文卷四百四十九目錄

高郢

西王母獻白玉琯賦

曹劇請從魯公一戰賦

律筒賦

獻凱樂賦

吳公子聽樂賦

無聲樂賦

水木有本源賦

欽定全唐文

卷四百四十九

目錄

病僂丈人承蜩賦

沙洲獨鳥賦

方處嵩進秩制

謝太常卿并舉官自代表

謝再除太常卿充禮儀使表

謝恩賜錦綵綾銀器等表

請致仕表

第二表

第三表

為盧相公謝恩并請罷官養疾表

為蕭少師謝致仕表

諫造章敬寺書

再上諫造章敬寺書

魯議

子游麻衰議

姜嫄公劉廟記

欽定全唐文

卷四百四十九

目錄

二

欽定全唐文卷四百四十九

高郢

郢字公楚衛州人寶應初進士應制舉登茂才異行科累遷中書舍人進禮部侍郎拜太常卿貞元十九年進位銀青光祿大夫守中書侍郎同中書門下平章事順宗立轉刑部尚書罷知政事元和初以右僕射致仕六年卒年七十二贈太子太保諡曰貞

西王母獻白玉琯賦

以聖道昭格神物呈祥爲韻

文苑英華卷八六

君有德兮必體道以傳芳物有靈兮必順時以呈祥君感

欽定全唐文

卷四百四十九

高郢

一

物而德著物應君以名彰於皇有虞道光先聖既受終於納麓乃禋宗而齊政光被神澤周遐覓故得靈祥効祉西母來朝霓裳璀璨羽服飄飄駕鸞鶴兮御松喬陵碧落兮戾丹霄宴瑤池於旭日賓魏闕而崇朝其始至也天地氤氲彤庭赫其奕奕其既覲也塔墀皓旰素琯爛其昭昭既而森列夔龍張皇金石仙侶齒於臣位靈物陳其賓席眞質貞明神光激射可使青瑣失翠丹墀罷赤舞獸見而回眸儀鳳觀而委翮信希代之名寶旌有虞之光格若乃虛心守白圓質懷貞功高律呂用等權衡價奪昆山之價

聲如嶰谷之聲則趙之璧楚之珩杯遇殷而入用珎固魏而來呈雖見稱於中古固難可以與京是知琯之爲物信其直而不屈琯之旣神乃歷代而可珍始與時而沿革竟隨物而沉淪否不可終得之於道旣逢奚景之賞寧從下和之抱人亦如斯堅貞美好願同和而見用以窺天而不寶

曹劇請從魯公一戰賦

以大小微情必能窮理爲韻

文苑英華卷六六

曹劇者何魯國英士將有征而無伐必慮終而謀始是以揣人情究物理決勝則若火燎原發言則如石投水智非

欽定全唐文

卷四百四十九

高郢

二

爾及鄉人胡乃以措辭謀必我臧莊公固無其逆耳今小大是恤忠信是履故劇謂公曰此可一戰而已於是陳車乘備甲兵顧謂斯戰請從而行敵已料却計當宿成魯有奇才將吞之於度內齊無良算詎得知其禍萌俟彼三鼓而退諒此一掃而平若臨穿扼獸竭海斬鯨則何以逞其情哉觀其揚紅旗耀白日兩軍山峙千騎櫛比揮戈電飛激箭飈疾我鼓振兮其威初厲彼氣衰兮其律已失果當轍亂而旗靡孰謂無固而無必旣而齊師敗績奔走倣擾殺氣凝於空間驚塵接於雲表鴻門之會比其功而莫高

涿鹿之師齊其陣而猶小餘勇未終地盡川窮師旋而雲
烟畫廊兵殄而山河夕空已矣哉千古崇崇仰夫英風被
褐之時賈勇當百夫之特登載之日指縱爲三軍之雄益
使魯君去其奢抑其欲永兢兢而刑獄擇其善從其能得
翼翼之股肱故君子曰猗歟曹劌經國之大俾夫肉食者
終有慚於曖昧

律筒賦

文苑英華卷一一〇

碧鮮之竹採而爲筒定名以律式成厥功厥功伊何所指
必捷下彼高鳥紛如墜葉徒觀夫抱樸見素旨遠謀深不
欽定全唐文 卷四百四十九 高郵 三

煩筋角不飾碧金直道而行故外端其體當無有用故內
空其心於是步郊原窺林樾律凝其影運一氣以潛通箭
戢其芒出數尋而勁發鏃如擊電羽若奔月我命處而精
誠彼不虞而殞越亦如毛生擢穎初晦跡以躊躇周氏銜
枚竟收功於倏忽烟樓霞宿擇木排空莫不洞胃裂背奪
魄喪躬朝在林泉之上夕登梓俎之中足使掇蟬失妙彈
雀非工潘令慚黃間之弩廐尹賤絲沉之弓有士遇之喟
然嘆曰律者氣之管法之名竹者材之勁性之貞兼此而
用之匪亨向也杼人不錄虞氏不營混樗散而長棄何器

用之能成孔父云舍之則藏用之則行信不虛矣

獻凱樂賦

以獻茲大功陳樂于祖爲韻

文苑英華卷七四

凱樂象功曲成斯獻既宣威而是奏亦飾喜而攸建播師
律於六律震海用寧揚軍聲於五聲華夷知勸原夫飲至
云畢告捷在茲陳篋簾之列歌杖杜之詩天地同和盡樂
止戈之武生靈咸若俱歡反旆之師觀其鐘鼓克諧羽旄
繁會伊德音所發實神功是賴羣而屬彰乎樂在其中感
而通俾夫聲聞於外回八風以柔服叶七德而保大鏗鏘
既薦乎成文條暢有符於交泰若乃昭聲教定武功肅軍
欽定全唐文 卷四百四十九 高郵 四

容於清廟和樂節於皇風奏在偃旗之時寧惟三捷獻於
歸馬之日何愧一戎於是洪稜奮盛禮陳感怒聲而色作
駭壯觀而氣振且流歡於遠邇乃昭慶於神人耀德是資
克戒熊羆之士審音斯取不忘將帥之臣則知伐叛旣在
乎師獻功必資乎樂綴兆若習於部伍進退如分其犄角
矧乎先旆之功斯立鏘鏘之韻相符始理心而啟聖終盈
耳以爲娛彼周伐獫狁漢征單于皆窮欲而黷武故人殘
而力無未若我配盛德永維圖將使自東自西聆至音而
斯爲盛矣盡善盡美欣元德而不亦樂乎旣而一人有作

萬物皆觀掩軒后之咸池陋周王之大武播丕績於宮徵獻盛樂於宗祖客有擊拊而歌聖功願比身於率舞

吳公子聽樂賦

以四聲爲韻

文苑英華卷七三

延陵季子節高神融博辨精通其識達其聽聰方辭吳而聘魯因請樂以觀風主人於是設嘉饗進樂工陳金石絲竹於堂上舞千戚羽旄於庭中客乃凝情滌慮幽聽遐想翕如也見雅調之始作美矣哉歎至德之彌廣自周而下自鄧以上備聞變態之音默見興亡之象時則崇牙對望猛簾相向槌鐘擊鼓乍陵厲而清壯鳴磬戛絃又發越而

欽定全唐文

卷四百四十九

高郢

五

寥亮八音宣六律暢馬弭髦而仰秣魚竦鱗而躍浪信可以察邦國政教之盛衰見造化陰陽之情狀及夫曲已終奏斯闕言之者莫隱觀之者咸悅足使夔曠心沮牙期思絕是知大樂與天地同和大禮與天地同節乃爲理之樞柄化人之軌轍者也夫聽者納於耳而察於心伊事也傳於古而繼於今陽春白雪之歌其和寡流水高山之曲其意深姑使清濁不亂鄭衛莫侵雖千載之後亦何謝乎前賢之知音

無聲樂賦

文苑英華卷七六

樂而無聲和之至聲而有象樂之器特飭樂以彰物非克和之大義故保和而遺飾然後至樂之道備樂不可以見見之非樂也是樂之形樂不可以聞聞之非樂也是樂之聲天廣其覆地厚其生四時和萬物成網緼照燭何樂能名豈非有之爲羸無之爲精魚泳重泉獸安茂草鳥韻頡於雲路人逍遙於至道咸自適於中情亦何擊而何考厥初造化眾籟未吟寂令寥今有此至音無聽之以耳將聽之以心漠然內虛充以真素處此道者無日不聞于律度倏爾中動遷於內形涉此流者沒身而不得一聽得意貴

欽定全唐文

卷四百四十九

高郢

六

於忘言得魚貴於忘筌堯人致歌於擊壤陶令取逸於無絃音留情以待物亦同禮於自然此樂也平而不偏正而不回貧且賤不以之去富與貴不以之來顏生得之陋巷而自然殷紂失之北鄙而人哀樂云樂云鐘鼓云乎哉

水木有本源賦

文苑英華卷三三

木造天水窮元森森擢千丈之秀汪汪澄萬頃之鮮散而成眾木疏而爲百川杞梓之材備矣江湖之量存焉竊聞源長而下流不竭未見本盛而枝葉先顛志士託以垂陰無假惡木渴者飲而滿腹何求盜泉故樹善於人人懷則

甘棠不朽汎愛於眾眾奏則德水長懸方將成不言之蹊
廣利涉之路俾出幽之鳥仰喬幹而能遷未濟之人因餘
波而可渡鳥豈木之所擇非擇木而不棲人奚水之作鑒
亦鑒水而取喻徒聞其移橙渡北不能苞貢於王國導漾
之東是以昭回於昊穹木誠戀於南枝常得地而專美水
豈忘於西土乃凌雲而獨崇用不用也非結根之有異高
莫高今將聞源而實同葛藟猶能庇其本江漢所以朝其
宗固宜大樹蔭庥而千牛可蔽洪河浸潤而九里旁通寧
效有喬而不可休息於其下至廣而不可游泳於其中者

欽定全唐文

卷四百四十九

高郢

七

荷樓丈人承蜩賦

文苑英華卷一四一

巧乎道者承蜩之叟蜩擇木今有翼叟持竿今在手物我
相絕嗜欲靡同彼不飛今焉待此將撥今何工丈人曰我
有道也初五六日累丸爲術槁木其臂朽株其質不墜者
二則失之錙銖不墜者三則失之十一既累五而咸若寧
絕四而無必由是步平地之上入深林之下耳目俱營心
手相假葉空密而皆見枝雖繁而不舍豈伊拾芥將同注

瓦或挾三而兼兩或指多而就寡期於百中則啼猿之射
乎曾不子遺殊慕鴻之弋者彼飲露爲事蛻殼有期顧非
鼎俎之實尚何彈射之疑庸詎知絕俗猶累凌虛亦危以
無用之質遇有求之時始則長鳴聲嚙啖而中絕方將一
舉翅蕭條而半垂豈獲戾於不食而構患於有綏且觴深
操舟大馬捶釣三十仞磨崖不溺十九年肯綮皆游徒聞
其事未見其優豈知天覆地載四荒八極不以萬物易蜩
之智不以萬物易蜩之翼惟精惟一無反無側用志凝神
何求而不得若以叟爲臣以蜩爲賊亂繩斯理背陣斯克

欽定全唐文

卷四百四十九

高郢

八

一言以蔽可詳周公之風一矢所加何遠蠻夷之域螳螂
之捕今信劣黃雀在後今安得至哉丈人功並孫息

說苑
晉靈

公造九成之臺孫息以累
十二基加九雞子爲諷

沙洲獨鳥賦

文苑英華卷一三七

鴻彼飛鳥在河之洲一飲一啄載沉載浮賞心利涉之地
浴德清波之流守道而行風水無情於六翮度才自處雲
霄有望於雙眸聯翩失伴顧步無儔因潔身而獨立聊拂
羽以孤遊蓋貞以不羣驚而有別將擇木以未暇乃漸磐
而自悅窺形弄影欣得地以徘徊哀響奇音冀聞天而清

切亦猶鴻志非燕鵲羣豈難雖孕形於羽族諒稟性於天倪慎其獨焉知無心於黨與需於沙者必不至於沉泥豈比夫鸞對鏡而方舞鳳非梧而不棲候鴈有銜蘆之懼黃鳥興止棘之悲夫何出處之情遠而攝生之智迷況乎食粟貪榮乘軒取媚珍禽見育敗德於明主鸞鳥云亡行刑於下吏非靈應之攸止乃進趨之所致豈若動非干物息能擇地盜泉不飲得廉士之風止水常遊侔至人之智道有可鑒才無不備屬瑞鳥之昌期將遷鸞之厚意顧得振羽毛展精鷺君不信其飛鳴試假借於名位觀其處啟閉

欽定全唐文

卷四百四十九

高郢

九

方處嵩進秩制

門下昭事嚴配之禮成敘勞行慶之恩備凡我有位共承神庥朝請大夫使持節蒙州諸軍事蒙州刺史賜紫魚袋方處嵩昔以端誠率修公議美利歸於內服外譽著於中華雖述職之早各思其局而在公之效同歸于治俾授大夫之秩以爲多士之榮可依前件

謝太常卿并舉官自代表

文苑英華卷五八九

臣郢言伏奉今月二十七日敕除臣太常卿曲降殊私猥

被凡器非才荷寵聞命自驚臣聞太常者舜臣秩宗之任周室春官之職其所典者禮樂所奉者郊祀故班冠九棘選重歷代臣學識凡近遭逢聖明管庫無遺久塵貢士之列疲驚不逮常獻避賢之疏特蒙天鑒俯及容光煦嫗之仁允前請而旣幸綢繆之寵沐今授而增忝將何以欽承睿獎備舉官司顧慚匪服之嗤上累能官之謗恩深命淺報効無階伏准建中元年正月五日制常參官授訖上表讓一人自代者臣竊見銀青光祿大夫守太子賓客上柱國鄭縣開國公杜黃裳識度深遠志業忠厚達於大體練

欽定全唐文

卷四百四十九

高郢

十

於故實羣而不黨和而不流與臣同在周行臣頗知其優裕伏請準制舉以自代臣郢無任感戴欣惕之至

謝再除太常卿充禮儀使表

文苑英華卷五八九

臣郢言伏奉今月二十一日恩命除臣太常卿充禮儀使者累歲守藩每馳心於魏闕一朝聞命得備位於周行上慚叨忝之深下慰違離之思臣某中謝臣聞秩宗之任典司三禮奉常之選班列九卿前古以來用人爲重非有實望不宜謬居臣昔叨此官已積負乘之懼今復再歷益增濡翼之憂況專職禮儀別蒙委遇明時大禮方奉郊禋末

學諫聞何微損益飲冰斯切俟駕塵遑螻蟻之微無階報國犬馬之戀但喜歸朝臣不深感戴欣懼之至

謝恩賜錦綵綾銀器等表

文苑英華卷五九四

臣某言伏奉恩旨以告祔禮畢賜臣錦綵一百五十疋銀碗一無庸受恩不知所措臣某中謝臣伏以禘祫元祀從祔大經酌禮求中聖情合於天地奉先致孝精意刑於四海臣職叨禮祔獲奉皇猷欣盛典於無窮顧微生而何補謬霑慶賜竊自慚惶無任

請致仕表

文苑英華卷六〇四

欽定全唐文

卷四百四九

高郢

十一

臣郢言臣聞量力而仕臣下之審分知止不殆道經之明訓所以七十致仕禮式其期臣犬馬之年去春已滿頃者方欲陳乞屬蒙新授今任忤時忘老祇命戀恩復屬王師出征聖軫方切輒求安退又所不敢伏惟睿聖文武皇帝陛下德廣天地道孚于羽承宗順命伏罪効誠制告班師萬方軌道昆蟲草木各遂其性臣早當告謝無忘夙心不應遲回更俟終日況復夏官任重賢路久妨時制已過衰疾兼甚實懼夜行之罪上累明時之寵伏乞許遵恒典特賜餘年止物議之貪榮洽宸慈於休老微臣之願庶蒙矜

允臣竊惟塵曠謬迹三朝叨承睿獎中外六任竟無毫髮上答恩私齒盡請骸終慚且惕徘徊積戀戰汗陳愚天闕一辭朝車永稅方從野老共樂堯年臣郢不勝感恩兢惶之至

第二表

文苑英華卷六〇四

臣郢言臣上陳丹懇非敢飾辭前月二十三日使梁士平奉宣旨賜臣還詔聖慈曲念未忍棄捐綸音下臨特加衰獎心魂震悚拜舞覲容臣某中謝臣血氣既衰戒之在得鐘漏云盡行者當止臣今所乞已過常期若志悅前言

欽定全唐文

卷四百四九

高郢

十二

事違往行雖稱守命誰曰非貪況臣升朝以來歷忝清貴歲時久曠功用蔑聞前恩無報後効焉取使奎負山欲彊何由臣伏以戀主之心古今齊致暫從外補猶所不樂永違闕庭豈遑勇退竊以菌蟪生促無幾先陰駑駘齒窮匪任衡軌加以疾疹時廢筋力日耗與曠官而叨寵寧量已以乞恩庶蒙聖鑒昭回愚悃特許臣得從時休息以禮進退免於黃耆猶負素餐全度庸微生成莫大天無私覆冀收惠渥歲不與臣敢忘披露再躡宸聽辭隨涕零臣郢不勝感恩兢戰之至

第三表

文苑英華卷六〇四

臣郢言再表陳情一心仰施瞽言無感宸眷不迴今月四日中使魏寶義至奉宣進止賜臣還詔倍加榮獎未允愚衷驚寵循涯伏躬殞越臣某中謝臣聞勞生佚老天理自然蠕動翔飛日入皆息時不期而必至物雖強而無由禮經所以制限疲薊所以獲退自非貢禹之守經據古趙喜之正身匪懈韓暨之志節高潔山濤之道德模表人皆顧望禮以至公縱過常期詎為貪冒其有當仁不讓急病忘身豈止君命猶宜自舉故以魏待秦師唐睢請約車而西

欽定全唐文

卷四百四九

高郢

三

說漢謀邊將充國對無踰於老臣所謂臣事君以忠君使臣以禮忠無不納禮亦從宜如此則選舊任能足供國用優年加惠得遂時歸古之進退鮮不如此臣以不才叨辱高位幸而免戾年及乞骸苟蒙得請之恩實受終身之賜若叨榮不忤當退而留則上累皇明下重臣罪況臣身少力薄不如等夷年老氣衰現就羸僊形因榮弊疾與齒并榮衛每乖膝脛多痺既憂廢職又懼妨賢内外交攻生涯轉迫窮暮之懇不遑起居芻蕘之詞已罄肝膽一物有關於亭毒容光時假於照臨顧西山而駭目瞻北闕以馳心

臣郢不勝戰惕感戀之至

為盧相公謝恩并請罷官養疾表

文苑英華卷五八三

臣邁言今月十四日以在假百日進狀上聞某日中使某奉宣進止令臣在家養疾損日朝參者力疾受恩慚懼交集臣病滿百日法當罷免恩自九天優以賜告伏念手足餘疾運用未平風毒常作療除多久臣今若卧叨厚祿坐待全痊豈惟日月易淹實亦恩私過幸且台輔為任周行所瞻臣匪服以居既貽官謗沉疴不退又廢公法夙夜循省心愧靡寧雖宸慈曲臨有所不忍而王道平施則惟無

欽定全唐文

卷四百四九

高郢

四

私臣既內懷尸曠之慚外迫支體之慮竊恐所攻非一望損靡遠徒闕遵常之典增延憫下之仁如蒙特恩俯遂微懇得從解紱專一就醫則冀形魂兩安物議皆息全度之澤於此為深無任感恩之至謹奉表陳謝以聞

為蕭少師謝致仕表

文苑英華卷六〇四

臣昕言伏奉今月二十三日制除臣太子少師致仕仍給半祿料其宴會及朝朔望並依常式者桑榆暮齒忽遂休閒犬馬微誠仍參朝會臣某中謝臣本書生資於巾褐每歷清列尸曠徒深早迫流年止足有素特以四朝受任千

載逢時難勝戀闕之心久滯乞骸之疏陛下俯憂羸老曲被庸愚三印之辰更加新命懸車之後且許時朝榮賜俸祿澤深惠養昊天罔極思上報而無階餘日幾何奉湛恩而不朽無任感戴忻忭之至

諫造章敬寺書

唐文粹卷二六下

八月二十五日草莽臣前鄉貢進士高郢昧死再拜稽首獻書闕下從諫如流者君之明也有犯無隱者臣之忠也君明臣忠國之利也當陛下至明之化納諫之日臣敢愛其死以隱其忠乎臣伏見奉為先太后造章敬寺陛下大

欽定全唐文

卷四百四十九

高郢

主

孝因心與天罔極蒸蒸之恩惟舜其難至德要道無以加也然臣伏見以畢力追孝誠有所益妨時勦人亦有所損先太后聖德不必以一寺增輝國家永圖無寧以百姓為本捨人就寺何福之為以臣愚蒙不知其所昔魯莊公丹桓公廟楹而刻其桷可為孝乎然而春秋書之為非禮漢惠帝及孝景孝宣令郡國諸侯立高祖及太宗高宗代宗之廟當時創制不據禮經至元帝時與博士議郎斟酌古禮一朝而罷之豈元帝不敬宗廟乃王者示人以軌物也夫廊廟者宗社之所在神靈之所憑猶不可無故而飾之

欽定全唐文

卷四百四十九

高郢

去

越禮而立之況此寺非宗社所安神靈所宅而殫萬人之力以邀二梵之報其不可亦明矣間者昆吾孔熾薦食生人今猶不悛偷居宇下百姓凜凜無日不惕遣將攘卻無尺寸之功隴外壤地委之豺狼太宗文武皇帝封殖萬有傳之陛下一夫不獲尺土見侵告成之時猶恐有闕況甚於一夫尺土者乎用武已來十三年矣傷者不救死者不收繕乘補卒至今未已夫興師十萬日費千金則十有三百年百萬之眾資糧屢屨取足於人人之困竭胡可勝紀勞疲宛轉十不存二父子兄弟相視無聊延頸嗷嗷以俟王命此皆陛下宜伸勤恤之恩降哀痛之詔縱未暇分散穀帛以贍鰥寡猶當務省侈費以噢咻之奈何戎虜未平侵地未復金革未戢疲人未撫太倉無終歲之儲大農有權酤之弊陛下忍以此時興力哉自八月以來時雨愆候禾稼少損菽麥失時黔首狼顧憂在艱食歲若不給將何以救無寺猶可無人其可乎臣竊料此寺數年方成土木之勞工用之費不虛府庫將焉取給府庫既竭則又誅求僮窮匱不堪鼠竊之盜起戎狄乘間狗吠之驚急得不為陛下深憂乎臣聞聖人受命於天以人為主苟功濟於天天

人同和其功大矣自然上則宗廟受其福下則子孫賴其慶故孝經云德教加於百姓刑於四海蓋天子之孝也又云明王事父孝故事天明事母孝故事地察又云周公郊祀后稷以配天宗事文王於明堂以配上帝是以四海之內各以其職來祭詩曰無念爾祖聿脩厥德又曰既受帝祉施于孫子是知王者之孝在於承順天地嚴配宗考敬慎德教以臨兆人俾四海諸侯歡心助祭延福流祚永永無窮耳豈聞崇建梵宮彫琢金玉之爲孝乎且佛本無相不可以有相求道本無爲不可以有爲得陛下豈馳心於

欽定全唐文

卷四百四十九

高郢

七

有爲之境而邀福於有相之功哉臣竊爲陛下不取也臣聞夏禹卑宮室而盡力乎溝洫人到於今稱之梁武窮土木而致飾乎寺宇人無得而稱焉陛下若節用愛人當與夏后齊駕何必勞人動衆而踵梁武之遺風乎制造初興役費尚淺人貴量力不貴必成事貴相時不貴必遂陛下若回一人之慮從萬姓之心必是陛下聖德孝思格于天地湛恩沛澤濟乎生靈生靈效誠天地幽贊千福萬祿先后受之豈與一寺較其功德乎陛下以臣言諫於誑妄疑伏請令公卿列士廷議可否得其中則天下幸甚臣郢不

勝愚忠懇直之至謹投招諫匭以聞

再上諫造章敬寺書

唐文粹卷二十六下

九月二十日草莽臣前鄉貢進士高郢昧死再拜稽首獻書闕下臣聞聖主開直言之道者豈好其犯顏忤旨乎誠欲因天下之心以慮則無不得因天下之目以視則無不見也忠臣不避誹謗之誅者豈貪其死諫之名乎誠以君所行有否焉不隱忍偷生以負於時也臣伏見奉爲先太后造章敬寺陛下奉先思孝興福除禍而羣黎百姓不知聖情議者皆以爲蕃戎未殄兵革暴露國用不贖元元匱

欽定全唐文

卷四百四十九

高郢

七

竭曾未小康又興此寺雖審思罔極而人力有限也臣聞衆心成城衆口鑠金則輿人之誦不可輕也故書曰罔弗百姓以從已之欲易曰聖人感人心而天下和平詩曰愷悌君子神所勞矣此言王者將有爲也將有行也必藉於衆而順於人則自然之福不求而自至未然之禍不除而自絕矣臣愚攷之於古則詩書與易如此聽之於今則百姓之議如彼拳拳之極不敢不言昨八月二十五日奏書闕下事寢無報不知天門深遠愚不得上達歟聖意所斷臣言不足聽受歟伏躬待罪旬八日矣臣聞神人無功聖

人無名神人無功者不爲有功之功聖人無名者不爲可名之名也不爲有功之功故功莫大焉不爲可名之名故名莫厚焉臣又聞古之明王積善以致福不費財以求福修德以消禍不勞人以禳禍陛下之作此寺也臣竊惑之若以爲功乎則天覆地載陰施陽化未嘗有爲也若以爲名乎則至德要道以順天下未嘗有待也若以致福乎則通於神明光於四海不在於費財也若以禳禍乎則方務厥德罔有天災不在於勞人也今興造急促人徒竭作土木並起日計萬工晝不遑食夜不遑息力不逮者隨加撓

欽定全唐文

卷四百四十九

高郢

无

咎愁痛之聲盈於道路以此望福臣恐不然陛下戡定多難以定宗社勵精思理日昃不暇內不通聲色外不樂游畋務行寬仁以幸天下聖人之德廣大悉被太平之風將可見矣而興動此役固違羣情迴正道於內心求微助於外物徇左右之過計傷皇王之大猷臣竊爲陛下惜之是以敢冒死至於再諫伏惟陛下留神省察臣不勝愚懇切直之至

魯議

文苑英華卷七六一
唐文粹卷四二

周公居攝七年致政而殁成王康王追思其德命魯侯代

之祀以天子禮樂魯君得乘大輅建太常外祭郊社內祭禘嘗虞夏商周之服器與官兼而用之以廣魯於天下郢竊謂自天子至於庶人尊卑貴賤待禮而別豐者不可殺殺者不可豐成康過賜非禮也魯君受賜亦非禮也何則郢聞有其位而後行典禮仲尼不臣門人非君也季札不嗣吳爵非長也周公不王而以禮樂王者是以非禮誣周公也設若誣周公以非禮曾爲昊天上帝亦可以誣乎奈何使魯人郊昔孔子憤歎於衰周而欲求禮於魯及觀其僭乃言曰魯之郊禘非禮也周公其衰乎魯用天子禮樂

欽定全唐文

卷四百四十九

高郢

三

者本以郊上帝既非聲名文物之當用可知矣又恐來者以杞宋用王禮爲疑因言杞之郊也禹也宋之郊也契也是天子之事守也杞宋二王之後得守先祖禮樂魯何守而用之耶猶恐其未能又言曰天子祭天地諸侯祭社稷祝嘏莫敢易其常古是謂大嘏此乃申言名位不同禮樂亦異數之定分也夫子之言昭昭如揭日月而學者或以爲事更聖人未聞可否難措辭於魯議者於謙默之道則可矣於發揮之義恐未盡也詩曰爾之教矣人胥效矣魯侯用王禮其臣亦用侯之禮故季氏舞八佾旅泰山設公

廟歌雍徹嗟乎禮之不早辨也如此古者父為天子諸侯子為士祭禮從子不得從其父邛晉應韓武王之穆得用備物享武王乎若享非禮之衰是周公不得為聖人也如其不享是成康祇以王者禮樂餒周公於魯矣安在其為

成康乎且周公之績孰與伊尹成康之明孰與太戊崇異伊尹不過號為保衡至於沃丁太戊亦不加以王禮或謂周公叔父也於伊尹而為親故尊而異之夫太伯太王之長子三以天下讓於王季王季得之以傳祚於文武故孔子曰太伯其可謂至德也已矣及武王克紂追王太王

欽定全唐文

卷四百四十九

高郵

三

季文王而不追王太伯豈武王忘太伯之德而不親乎蓋以等威之禮名分之別為萬代之準不為一人之私也夫人情無常以禮為常以禮從情動則為悖且如王者祖有功而宗有德祖宗之廟代代不毀大凡繼體之君皆欲尊崇其父至於德功未著則不敢妄加廟稱者情非不欲限禮而已矣故禮之行於宗廟父子不得遂其私而況成康又得以天下之公器大典獨私於周公乎周公有大勲於周土田附庸以益之則可秬鬯圭瓚以賜之則可若天子禮樂成康所恃以為尊也胡可以假人成康雖欲尊於周

公伯禽其忍受之以出僭其君入陷其父乎若周公躬制禮樂墳土未乾而子孫弗克負荷首亂王者之度孔子稱其衰不亦宜乎

子游麻衰議

文苑英華卷七六七

衛司寇惠子之喪也其子虎見廢不得為嗣子游為之麻衰以譏之將軍文子既悟而虎得復位載在禮典先儒是非之說禮闕戲人書曰盛德不狎侮使彌牟能知禮也是君子也當書直以救失為不知禮耶是小人也當務其關能提耳喻之何狎侮之為乎觀文子未正虎位非不知

欽定全唐文

卷四百四十九

高郵

三

也重違惠子之志將候告者而行之偃奈何以廣自許以狎待人重其話言輕其重服乘人之失伐已之明又非美之位疑不可謂無辱且多識前言闕其失而回通若此設使立人之朝闕人之政至於講大禮臨大節獻可替否任賢去邪言可得聞乎無以乃裂冠毀冕行怪而已矣遠觀望之疑未見其可直人不以其直也不敢以道循物而忘其身赴井救人傷教害義殆非所謂習禮者矣

姜嫄公劉廟記

金石萃編卷一〇三

姜嫄者炎帝之後有邰氏之女姓姜字嫄帝嚳之元妃后